

Urs en il Grischun – analisa da la situaziun

■ (cc) Ils ultims otg onns han en tut otg urs visità il Grischun sin lur migriziuns. Las autoritads e las personas responsablas han pudì far experientschas impurtantass cun quest animal da rapina grond. Questa primavaira ha il chantun Grischun fatg in'analisa da la situaziun e fixà en in rapport intern ils proxims pass per realisar il concept «Urs en Svizra». Ils champs d'acziun èn vegnidis definids sin plaun chantunal e communal, dentant er sin plaun naziunal resp. internaziunal.

Pretenziuns envers la confederaziun

Cun ina inoltraziun en scrit ha la regenza grischuna supplitgà il departament federal per ambient, traffic, energia e comunicaziun (DATEC) da cuntanscher uschè svelt sco pussaivel ina pratica pragmatica envers urs problematics en las tractativas cun las autoritads talianas. Quests urs engrevgeschan considerablamain l'acceptanza envers quest animal da rapina grond tar la populaziun indigena. Perquai duain urs problematics pudair vegnir prelevads gia en in stadi tempriv en lur territori d'origin. La populaziun dad urs prosperescha il mument en il Trentin e permetta senza auter da prender talas mesiras. Plinavant supplitgescha la regenza grischuna il DATEC da sclerir la problematica d'execuziun en connex cun las permissiuns da sajetts animals da rapina gronds (urs, luf, lufscherver). L'execuziun dals concepts respectivs da la confederaziun na duai betg vegnir impedida en il futur arbitrarmain cun prender meds legals. La finala pretendà la regenza envers la confederaziun ch'ils custs supplementars per l'agricultura en cas da la preschientscha d'animals da rapina gronds vegnian indemni-sads meglier.

Il medem vala er per ils custs supplementars dals posts da servetsch chantunals en connex cun il manaschament en cas da la preschientscha d'animals da rapina gronds.



La regenza grischuna vul che urs problematics vegnian sajetts avant ch'els arrivan en Svizra.

KEystone

Tema urs en l'internet

L'experimentscha mussa ch'il tema urs interessa cunzunt, sch'in tal animal da rapina grond visita ina regiun. Senza la preschientscha directa d'in urs manca dentant per regla l'interess per infurmaziuns tant dals circuls potenzialmain pertutgads sco er da la vasta populaziun. Perquai ston vegnir prendidas mesiras, sche urs sa mussan andetgamain. Ultra da quai ston vegnir dadas regularmain infurmaziuns da basa. L'emprima giada ch'in urs sa mussa en ina regiun exista in grond basegn d'infurmaziun e d'assistenza. Las infurmaziuns giavischadas ston alura esser avant maun immediatamain. Per garantir quai èn vegnidis creadas novas adressas d'access a l'internet:

Cun ils links www.urs.gr.ch sco er www.baer.gr.ch e www.orso.gr.ch ed ha da nov mintgina e mintgin access ad infurmaziuns specificas dad ir enturn cun l'urs.

Prevenziun ed infurmaziun

Las mesiras da prevenziun èn impurtantass per tegnair l'urs sche pussaivel davent dals abitatidis e per evitar donns. Questas mesiras ston vegnir prendidas sco incumbensa cumainiva sin differents plauns. Per l'ina èn necessarias mesiras specificas sco la protecziun da muntaneras u la protecziun d'avieulers en l'agricultura. Per l'autra sto il chantun garantir in allontanament dals rumenti ch'è seguir cunter l'urs per lung da las vias

chantunals. Il medem vala per las vischnancas entaifer il territori d'abitadi. Ma er personas privatas ston procurar cun mesiras adattadas ch'ils urs na possian betg cuntanscher virtualias u rumenti reciclabels (vanzadiras).

Il departament da construcziun, traffic e selvicultura ha definì cun analisar la situaziun «Urs en il Grischun» numerosas mesiras che gidan a meglierar la prevenziun, l'infurmaziun e la cussegliazion da la populaziun sco er a surveglier meglier ils urs che immigreschan. Questas mesiras vegnan realisadas permanentamain.

Davart quest tema stat a disposiziun in video sut www.gr.ch.